

(5) Pravila disciplinskog postupka, disciplinske mjere za pojedine povrede radnih dužnosti, organi za vođenje disciplinskog postupka i druga pitanja koja se tiču disciplinskog postupka, u skladu sa ovim zakonom, bliže se uređuju propisom koji donosi ministar.“

Član 11.

U članu 125. u stavu (2) riječi „nastavnika i stručnih saradnika zaposlenih u toj školi“ zamjenjuju se riječima „zaposlenika te škole“, a na kraju stava iza riječi „škole“ dodaju se riječi „, u skladu sa propisom iz stava (14) ovog člana“.

U istom članu stav (3) mijenja se i glasi:

„(3) U srednjoj tehničkoj, stručnoj i mješovitoj školi tri člana školskog odbora imenuju se ispred osnivača, lokalne zajednice i tržišta rada na osnovu javnog konkursa, jedan član iz reda zaposlenika te škole i jedan član iz reda roditelja koji nemaju status zaposlenika te škole, u skladu sa propisom iz stava (14) ovog člana.“

U istom članu stav (14) mijenja se i glasi:

„(14) Bliži propis o uslovima, kriterijima, postupku i načinu imenovanja, te načinu rada školskog odbora za škole čiji je osnivač Skupština Kantona donosi Vlada Kantona.“

Član 12.

U članu 127. iza stava (2) dodaje se novi stav (3), koji glasi:

„(3) Pod raspolaganjem stvari u smislu stava (2) ovog člana smatraju se: prodaja, zamjena, poklon, davanje nepokretnih stvari u dugoročan zakup (zakup u trajanju najkraće pet godina), uspostavljanje prava služnosti, uspostavljanje prava građenja, zalaganje pokretnih ili nepokretnih stvari, kao i svaki drugi oblik upravljanja stvarima koje za posljedicu imaju prestanak ili značajnije ograničavanje prava vlasništva.“

Dosadašnji stav (3) postaje stav (4).

Član 13.

U članu 133. u stavu (1) u tački f) iza riječi „spremi“ dodaju se riječi „, uz prethodnu saglasnost Ministarstva“.

Član 14.

U članu 140. u stavu (5) u petom redu iza riječi „učenika“ dodaju se riječi „(na način određen propisom iz člana 125. stav (14) ovog zakona)“.

Član 15.

U članu 143. u stavu (1) u tački l) riječi „nastavnika i stručnih saradnika škole“ zamjenjuju se riječima „zaposlenika škole u skladu sa propisom iz člana 125. stav (14) ovog zakona“.

U istom stavu u tački t) riječi „pripravnika, odnosno volontera“ zamjenjuju se riječima „lica iz članova 113. i 114. ovog zakona“.

Član 16.

U članu 163. u stavu (1) u tački š) riječi „stavovi (8) i (11)“ zamjenjuju se riječima „stavovi (1), (7), (8), (10), (11) i (13)“.

U istom stavu u tački v) riječi „stav (1)“ zamjenjuju se riječima „stavovi (1) i (4)“.

U istom stavu u tački ž) riječi „tačka l)“ zamjenjuju se riječima „tačka n)“.

Član 17.

U članu 164. u stavu (1) u tački f) riječi „stavovi (1) do (7)“ zamjenjuju se riječima „stavovi (2), (4) i (5)“.

U istom stavu iza tačke h) dodaju se nove tačke i) i j), koje glase:

„i) angažuje pripravnika ili lice na stručno osposobljavanje

bez zasnivanja radnog odnosa suprotno odredbama člana 113. stavovi (3) i (5);

j) ako vrši interno raspoređivanje zaposlenika suprotno odredbama člana 133.“

Član 18.

(Prestanak mandata školskih odbora, imenovanje privremenih školskih odbora, raspisivanje novog javnog konkursa i usklađivanje imenovanja školskog odbora sa zakonom)

(1) U roku od 30 dana od dana stupanja na snagu ovog zakona, u školama čiji je osnivač Skupština Kantona, Vlada Kantona imenovat će privremene školske odbore, u skladu sa Zakonom o srednjem obrazovanju i odgoju.

(2) Imenovanjem privremenih školskih odbora iz stava (1) ovog člana prestaje mandat školskih odbora zatečenih u mandatu na dan stupanja na snagu ovog zakona.

(3) U roku od 60 dana od dana stupanja na snagu ovog zakona, za škole iz stava (1) ovog člana, raspisat će se javni konkurs za imenovanje članova školskog odbora ispred osnivača, lokalne zajednice i tržišta rada.

(4) Škole čiji je osnivač drugo pravno i fizičko lice, u roku od 30 dana od dana stupanja na snagu ovog zakona, osigurat će imenovanje školskog odbora u skladu sa članom 11. stavovi 1. i 2. ovog zakona.

Član 19.

(Donošenje provedbenih i primjena važećih akata)

(1) U roku od 30 dana od dana stupanja na snagu ovog zakona Vlada Kantona donijet će propis iz člana 11. stav 3. ovog zakona.

(2) U roku od 90 dana od dana stupanja na snagu ovog zakona ministar će donijeti propise iz člana 5. i člana 6. stav 1. ovog zakona, a u roku od šest mjeseci od dana stupanja na snagu ovog zakona propis iz člana 10. ovog zakona.

(3) Do donošenja propisa iz člana 10. i člana 11. stav 3. ovog zakona, primjenjivat će se raniji propisi, ukoliko nisu u suprotnosti sa Zakonom o srednjem obrazovanju i odgoju.

Član 20.

(Stupanje na snagu)

Ovaj zakon stupa na snagu narednog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA
-Federacija Bosne i Hercegovine-
TUZLANSKI KANTON
Skupština

Predsjednik
Skupštine Tuzlanskog kantona
Žarko Vujović, v.r.

Broj: 01-02-517-5/19
Tuzla, 16.12.2019. godine

629

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 16.12.2019. godine, d o n o s i

ZAKON

**O IZMJENAMA I DOPUNAMA ZAKONA
O JAVNO-PRIVATNOM PARTNERSTVU**

Član 1.

U Zakonu o javno-privatnom partnerstvu („Službene novine Tuzlanskog kantona“, broj: 19/17), u članu 5. iza tačke

j), dodaju se nove tačke k), l) i m), koje glase:

„k) *Zainteresovani ponuđač* je domaće ili strano privredno društvo koje samostalno ili s drugim privrednim društvima daje ponudu javnom tijelu za izradu i/ili dopunu prijedloga projekta JPP-a u smislu ovoga zakona.

l) *Tehnička dokumentacija* je relevantan izvor podataka za osiguravanje dijela ulaznih podataka za izradu studije opravdanosti odnosno procjenu troškova građenja i/ili rekonstrukcije, procjenu troškova opreme, i troškova investicionog i redovnog održavanja. Tehnička dokumentacija je idejno rješenje, idejni projekat, elaborat, procjena vještaka, i drugi slični dokumenti.

m) *Nominirani troškovi* predstavljaju direktne troškove javnog tijela i/ili zainteresovanog ponuđača povezane sa pripremom prijedloga projekta JPP-a, kao što su rad projektnog tima, angažman konsultanta, izrada tehničke dokumentacije i studije opravdanosti, i slično. Nominirani troškovi su refundirajući i obavezno se uključuju u ukupne životne troškove projekta JPP-a.“

Član 2.

U članu 6. tačka b) mijenja se i glasi:

„b) privatnom partneru se dodjeljuju prava i ovlaštenja potrebna za provođenje projekta JPP, uključujući pravo građenja i koncesije, u skladu sa ugovorom o JPP i posebnim propisom;“

Tačka c) briše se.

Dosadašnje tačke d) i e) postaju tačke c) i d).

Član 3.

U članu 12. u stavu (7) iza riječi „sadržaj studije opravdanosti JPP projekta,“ dodaju se riječi „postupak i minimalni sadržaj javnog poziva za izbor zainteresovanog ponuđača,“.

Član 4.

U članu 13. u stavu (1) tačka d) mijenja se i glasi:

„d) priprema tehničke dokumentacije“.

Stavovi (2) i (3) mijenjaju se i glase:

„(2) Na osnovu prijedloga projekta JPP-a, javno tijelo donosi Odluku o opredijeljenosti za uspostavljanje JPP-a, uz prethodnu saglasnost Vlade Kantona odnosno općinskog/gradskog vijeća.

(3) Radi smanjenja rizika koji se mogu javiti u toku pripreme i implementacije projekta JPP-a, javno tijelo reguliše odnose s drugim javnim tijelima koja su u vezi s pružanjem predmetne javne usluge, na samom početku pripreme prijedloga projekta JPP-a.“

Iza stava (3) dodaje se novi stav (4), koji glasi:

„(4) Međusobna prava i obaveze javna tijela iz stava (3) ovog člana reguliše posebnim ugovorom.“

Dosadašnji stav (4) postaje stav (5).

Član 5.

U članu 14. stav (2) mijenja se i glasi:

„(2) Na prijedlog javnog tijela, radno tijelo iz stava (1) ovog člana za projekte JPP iz nadležnosti Kantona imenuje Vlada Kantona, a za projekte JPP iz nadležnosti JLS imenuje gradonačelnik/općinski načelnik.“

Član 6.

Član 17. mijenja se i glasi:

„Član 17.

(Priprema tehničke dokumentacije)

Tehnička dokumentacija se priprema u skladu sa posebnim propisima u zavisnosti od predmeta projekta JPP.“

Član 7.

Iza člana 18. dodaje se novi član 18a., koji glasi:

„Član 18a.

(Učešće privatnog sektora u pripremi prijedloga projekta JPP-a)

(1) Javno tijelo može pripremiti prijedlog projekta JPP-a i uz učešće privatnog sektora.

(2) Javno tijelo se opredjeljuje za mogućnost iz stava (1) ovog člana u toku pripreme srednjoročnog i godišnjeg plana potencijalnih projekata JPP-a.

(3) Odabir zainteresovanog ponuđača provodi se javnim pozivom.

(4) Uzajamna prava i obaveze javnog tijela i zainteresovanog ponuđača, kao i odgovarajući dio nominiranih troškova, reguliše se ugovorom između javnog tijela i zainteresovanog ponuđača.

(5) Zainteresovani ponuđač mora učestvovati u postupku odabira privatnog partnera na način propisan ovim zakonom i Uredbom.

(6) Ukoliko zainteresovani ponuđač iz stava (5) ovog člana ne bude izabran za privatnog partnera, ima pravo na povrat uloženi sredstava za izradu prijedloga projekta JPP u iznosu utvrđenom ugovorom iz stava (4) ovog člana:

a) od strane odabranog privatnog partnera, na ime otkupa projektno dokumentacije, ili,

b) od strane javnog tijela, ukoliko se studijom opravdanosti dokaže da primjena JPP modela nije u najboljem javnom interesu ili u slučaju da javno tijelo ne pokrene postupak izbora privatnog partnera u rokovima definisanim ugovorom iz stava (4) ovog člana.

(7) Postupak objavljivanja i minimalni sadržaj javnog poziva iz stava (3) ovog člana propisan je Uredbom.“

Član 8.

U članu 26. u tački e) riječi „na godišnjem nivou“ brišu se.

Član 9.

U članu 31. u stavu (1) riječi „članom 13. stavovima (2) i (4)“ zamjenjuju se riječima „članom 13. stavovima (2) i (5)“.

Član 10.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA	Predsjednik
-Federacija Bosne i Hercegovine-	Skupštine Tuzlanskog kantona
TUZLANSKI KANTON	
Skupština	Žarko Vujović, v.r.

Broj: 01-02-518-6/19
Tuzla, 16.12.2019. godine

630

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), člana 47. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, br. 86/07, 24/09, 44/10 i 30/16) i člana 53. stav (2) Zakona o izvršenju Budžeta Tuzlanskog kantona za 2019. godinu („Službene novine Tuzlanskog kantona“, br. 3/19 i 11/19), na prijedlog Vlade Tuzlanskog kantona, Skupština Tuzlanskog kantona, na sjednici održanoj 16.12.2019. godine, d o n o s i